

蘇悉地羯羅經卷第四

尅十

唐中天竺三藏法師輸迦波羅譯

奉請成就品第三十五

次說奉請成就之法如前所說時節星曜及
瑞相等於作曼茶羅法中及成就法中廣已
陳說若不善相現時即以部母明護摩牛酥
經一百八遍然後作法亦得成就悉地前所
分別曼茶羅地亦應依彼而作成就若上成
就於山上作若中成就於池邊作下成就隨
處而作或與真言相應處作若不於此處作

成就稍遲於有舍利骨制底之中作一切內
法真言皆得成就佛生處等八大制底成就
之中而最為上然於菩提道場無一切難能
與成就相應魔王尚於彼處不為其難況餘
諸類是故一切真言決定成就凡は猛利成
就於塚間作或於空室或於一神獨居之廟
或廻獨樹下或於河邊當作成就若欲成就
女藥叉者於林間作若欲成就龍王法者於
泉邊作若欲成就富貴法者於屋上作若欲
成就使者法時於諸人民集會處作若欲成

就入諸穴法於窟中作此是祕密分別成就之處揀擇地定已先應斷食如曼荼羅淨地之法或如念誦室法應淨其地處所清潔速得靈驗初以成就辦諸事真言或用軍荼利真言持誦白芥子等物散打其地辟除諸難以伐達羅木爲橛四枚其量二指折藏鐵剝一頭如一股杵以紫檀香泥塗其橛上復以緋線纏之以跋折羅橛印作拳執之以此真言持誦一百八遍釘於四角橛頭少現作一白幡於曼荼羅東面懸長竹竿上以金剛牆

真言持誦鐵末百遍作三股跋折羅頭皆相接圍繞曼荼羅爲金剛牆復以金剛鉤欄真言持誦鐵末百遍亦作三股跋折羅各橫置於豎拔折羅上繞曼荼羅爲金剛鉤欄外曼荼羅門以軍荼利真言以跋折羅印而護其門第二重門以訶黎帝母而護其門中台院門以無能勝而護其門此等護門三部通用或其一通護三門此三聖者皆摧諸邪無有能壞此是祕密護成就物其台中心埋五寶物若於人民集會之處作曼荼羅時其五寶

物不應埋之但置所成物下不若於中庭及
與室內或佛堂中作曼荼羅時亦復如是以
上五處但持誦香水灑即便成淨不假掘地
若於本念誦室中作此法速得成就於諸窟
中不合作成就法於壞室中亦不合作欲作
曼荼羅時七日已前於黃昏時以敬仰心觀
念諸尊如對目前而奉請言於三部內一切
諸尊及於本藏中諸尊與眷屬等我已久時
念誦護摩堅持戒行以此真言如供養諸尊
願後七日降赴道場哀愍我故受此微供以

大慈悲令我成就如是乃至滿其七日依時
啓請然後作法又閑伽華香飲食及讚歎等
每日暮時別供養一方護世神乃至三方皆
應如是又以香塗手持誦其手以按其物而
奉請之復以燒香熏物奉請又復斷食取好
時日略作曼荼羅用奉請物或但用一色作
圓曼荼羅惟開一門中置八葉蓮華其量二
肘次餘外院隨意大小而作先於內院置三
部主西門北置摩醯首羅及妃佛右邊置摩
帝殊囉施左邊置佛眼次觀自在右邊置摩

室利左邊置六臂次金剛右邊置忙莽鷄左邊置明王心西邊門南置吉里利忿怒及金剛鉤如上所說皆於內院安置次於外院置八方神及置能辦諸事真言主等樂皆應安致外門北邊心所敬重真言主等樂皆應安致外門北邊置軍荼利門南置無能勝各以心真言而請供養於蓮華上置成就物而供養之或於蓮華上置滿迦羅賒瓶於上置其成就之物或於蓮華上置合子於中盛物或蓮華上置其瓦器於中盛物其或於華胎中盛置蓮華上

以手按持誦其物千遍或一百遍次後持誦華以祿物上次復以酥和安息香而燒熏上次復香水微灑物上次復以部母明王持誦其物於曼荼羅所有諸尊各以彼等真言持誦其物次復以牛酥護摩或用牛乳或以酥蜜胡麻和作護摩後以啓飲護摩於本法中所說諸物皆應護摩各以曼荼羅內所有真言遍作護摩各以真言持誦香水而灑其物如前所說光顯物法此亦如是持誦自眼用看其物心誦真言如是作法其法物即成奉

請凡一切物作奉請法速得成就或於本法
所有一切供養及祭祀法一一皆應具作此
奉請法曼茶羅中亦通受持其物亦通光顯
其物於中若作成就諸作障者亦不得便亦
通淨物依灌頂法亦通灌頂真物亦通灌頂
竟十
自身此是祕密能辨諸事勝曼茶羅若作此
法無不得成

補闕少法品第三十六

我今當說補闕少法從受持物已每日三時
澡浴三時供養及作護摩手按其物三時換

衣節日斷食供養等法皆須增加三時禮拜
懺悔隨喜勸請發願三時讀經及作曼茶羅
三時歸依受戒三時護身如是作法定得成
就或由放逸致有闕少即應部母明持誦二
十一遍便成滿足若闕此法成就亦闕或若
有關更須念誦一十萬遍復應作此曼茶羅
補前闕少然後方作成就其曼茶羅方四角
安四門如前所說分布界道東西置佛右邊
置佛毫左邊置佛鑠底右邊置佛慈左邊置
佛眼右邊置佛輪王佛頂左邊置白傘蓋佛

頂右邊置帝殊羅詩左邊置勝佛頂右邊置超越佛頂左邊置須菩提右邊置阿難於西南角致鉢於西北角置錫杖右邊置訶利底母左邊置無能勝於曼荼羅外置能辦諸事中央置輪於上置其所成就物或置本尊外院置八方神門兩邊置難陀及拔難陀龍王各以本真言請或以部心明都請依法供養然後護摩其諸尊等或置其印或致其座以本真言成淨火已護摩酥蜜一百八遍又以酪餅及用胡麻各以本真言護摩百遍其事

畢已復誦百遍此是祕密補愆過法所供養物皆須香美其所獻食用烏那羅供獻及砂糖和酪作此法者諸尊皆得滋充歡喜速得成就非但補闕亦應半月半月或於節日或復每日作此曼荼羅供養諸尊皆得滋充速與成就若不辨時隨力而作如前所說佛部曼荼羅法此蓮華部法亦皆同彼惟改圓作方其量隨意東西置觀音自在右邊置馬頭明王左邊置毗首嚧波右邊置三目左邊置四臂右邊置六臂左邊置十二臂右邊置能

滿諸願又右邊置耶輸末底左邊置大吉祥
右邊置多羅左邊置戰捺羅近門右邊置濕
吠多左邊置車擎羅縛悉嚩中央置蓮華曼
荼羅外置本部能辦諸事此是蓮華部補闕
曼荼羅法如前所說佛部曼荼羅此金剛部
亦復如是然須方作其量隨意東西面置執
金剛右邊置明王左邊置忙莽鷄右邊置軍
荼利忿怒左邊置金剛鈞左邊置棓左邊置
大力右邊置拳右邊置遜婆左邊置提防伽
右邊置鉢挪顙乞差跋左邊置忿怒火頭右

邊近門置金剛可畏眼左邊近門置金剛無
能勝曼荼羅外置本部能辦諸事諸餘外院
及供養法皆如前說此是金剛部補闕之法
如是供養畢已求得好夢晨朝澡浴著白淨
衣以稻穀華及青俱萋草香美白華供養所
作曼荼羅地然後以牛糞遍塗掃却復作三
簸多護摩右邊置酪俱萋草酥蜜胡麻及餘
所有護摩之物皆置於右左置闕伽器欒酥
杓當置於前隔酥次置杓前用成辦諸事真
言灑其物等諸部主尊安置供養用本真言

以閑伽請其本尊亦復安置自身前置酥酥前置火酥火中間置成就物置初自身次酥次物火次本持尊及部主尊如前五種之物置次應知部主左邊置帝闍寧明右邊置成辦諸事如前所說謂護摩法中次第安置初敷青俱菴草置和酪餅散稻穀華獻縛卷底供以好美香供養然後依法作護摩事所成就物置於金器或銀熟銅石商法螺木縛弭迦土器等敷阿說他樹葉於上置器或敷有乳樹葉或閑伽樹葉或芭蕉樹葉或蓮華蓮

葉或新淨白氈隨取敷之又葉五重先敷地上置成就物復以葉五重而覆其物或可是散或種種衣或諸雜物次第應知所盛之器然後以不散亂心作數多法以心光明其物及散灑之手執杓緩擗其酥置其物上誦本真言至其莎字即渴爐中呼其訶字還觸其物却至酥器如是去來三處觸物不得斷絕是名三數多護摩法經一千遍或一百遍或二十一遍此名都說遍數之限三數多時以

杓遍霑其物皆令潤膩初置物時先以水灑次按持誦次復看次獻供養護摩畢已還須如是於成就曼茶羅所說三種成就之相作此法時若有相見即須禁之應知不久即得成就其物若大置於右邊應左手執者置左邊而三簸多之若成有情之物作其形像杓觸於頭而作護摩若欲成自身以杓觸頂而作護摩若爲他故作之簸多者但稱其名作護摩其成就物復有三種差別一但稱名二以物蓋隔之三但露現眼所觀見如是皆用

其酥而作護摩若不獲酥當用牛乳或酥和乳或用三甜或觀成就差別應當用酪如本所說而用護摩或以油麻護摩器仗若成吠多羅者應用堅木香心護摩或用蘇合等護餘計香或觀其物差別及與成就差別當取諸類香物與法相應者而作護摩若成犬肉還用彼脂諸餘肉類彼復如是其成就物或盡置於前以此所三簸多法說護摩之法當應廣作三簸多法護摩其物如是作已速得成就三簸多已洗灌令淨然後如法灌頂畢

已供養護持置本尊前更加種種飲食供養
本尊及當祭祀八方護世亦須如法供養護
摩之地然後以諸潔豆及阿摩羅八日如法
澡浴於其午時丁按其物而加念誦又更別
辨其線依前卷十如法持誦臂釧衣灰芥子水一
一皆須如前持誦欲作成就之時如是護身
之物先須持誦擬充後用如是念誦護身諸
物成就之時有所用處皆即有驗是故應須
預先持誦備擬華等供養之物亦須如法持
誦置於側近次則依作曼荼羅如法供養而

作成就用能辨諸事真言持誦五色界道線
纏四極上以上軍荼利真言持誦瓶置外門
前所纏之線兩頭俱繫瓶項稍令寬縱每出
入時思念軍荼利舉線而入其線若以軍荼
利真言持誦亦得或取本法真言持誦亦得
如前所說辟除難法先淨其處然後作法其
時於外祭祀八方護世天神并諸眷屬於其
瓶上置枝折羅或置有果枝條其瓶及線或
用當部明王持誦或用部心或部母持誦以
護其處或於當部所有契印各於本方而安

置之以辟諸難其概以金剛概真言持誦百遍其概上一頭作三股杵形或一股形如是作已於淨室外四角釘之若曼茶羅於界道角釘之此名金剛概法能辦諸事其曼茶羅或用乾末彩色或用種種香末或以濕色用牛毛筆畫於諸角外畫三股杵九其諸界道遍作三股杵形還用金剛牆真言持誦復於其界杵形之中更復橫置一杵遍應如是側名金剛鉤欄還用金剛鉤欄真言持誦如是作已無有能壞是故於中作成就法於諸門中

及門外各置拔折羅其成就法或於淨室中作或於露地作曼茶羅其量五肘或七或八或觀其所成就是事隨事大小而作諸門當中置拔折羅於諸角上置瓶於外門前置能辦諸事瓶於內東西置法輪印右邊置佛眼印左邊置毫相印右置牙印左邊鑽底印右置五種佛頂次第左右安置於佛部中所有諸尊隨意次第左右安置最後兩邊置阿難及須菩提次下近門置無能勝次於外院東面置悉達多明王北面置大勢至尊南面置妙

吉祥尊西面置軍熱羅尊東面右置梵天及
與色界諸天左置因陀羅上至他化自在王
乃至地居天神於東南方置火神與諸仙人
以為眷屬於南方置跋摩王與毗舍遮布單
那諸魔怛羅而為眷屬於西南方置泥剎帝
神與諸羅刹而為眷屬於西面門置縛噏擎
神與諸龍衆而為眷屬於門北置地神與諸阿
脩羅而為眷屬於西北方置風神與諸伽嚩
掣而為眷屬於北方置多聞天王與諸藥叉
而為眷屬於東北方置伊舍那神與諸鳩槃

茶而為眷屬於西面一所之處置日天子
及與曜等復於西面一所之處置月天子與
宿圍繞於西門曲兩邊置難陀拔難陀龍王
於佛部中所有使者等類真言及明於其外
院四面隨意安置然後依法啓請次第供養
護摩念誦於最中央安其本尊或成就物如
卷十
於曼茶羅法所說護身等事此亦如是次第
應行此是佛部成就諸物曼茶羅法一切諸
難無能得便於中作法速得成就一切諸尊
增加衛護前以五彩色作曼茶羅惟改圓作

方於其內院東面處中置蓮華印右置七多羅明左置七吉祥明次左右置六大明王右置半擎羅縛悉顱左置邪輪末底近門兩邊置一髮明妃及馬頭明王於外門前置能辦諸事瓶於門及角置拔折羅中置蓮華於其外院置真梵天及因陀羅摩醯首羅等淨居諸天及無垢行菩薩光曼菩薩莊嚴菩薩無邊龍王菩薩遜陀羅及優波遜陀龍王及商結持明仙王與諸持明仙俱如前諸方護世於此部中所有使者諸類真言及明隨意安

置如前所說安置次第此亦如是一切諸難無能得便應當此中作成就法如前方作如前所界道於內院東面置蘇悉地羯羅右置吞金剛明妃左置金剛秦明妃右置遜婆明王左置計咧枳里明王右置拔折羅尊左置跋折羅但吒卷十右置金剛毋特伽羅鎰左置金剛商羯羅右置金剛鈞明妃左置忙莽雞明妃於其外院東邊置勝慧使者金剛慧使者摩醯首羅及妃多聞天王及諦藥叉其於外門前置辦諸事瓶於金剛部中所有使者真

言及明部多毗舍遮乾闥婆摩睺羅伽及持明仙八方護世各於院次第安置然後啓請如法供養護摩念誦起首成就其所啓請諸尊應用明王真言或用部母明請於曼荼羅所有諸尊名爲置瓶如前曼荼羅所有堪法此成就法亦皆如是若於此等曼荼羅中作成就者縱不具足護身之法亦得悉地爲彼諸尊自有誓願若請我等赴曼荼羅者以虔誠心如法供養我等當與彼所求願是故於此應知無難必爲加護若用部心真言及以

部母或用明妃能辦諸事真言并及部內護身真言而用啓請護身諸界速得成就此是三部祕密之法復次說通三部祕密曼荼羅如法界道置校折羅中央置本部主印其前置本真言主或如前置羯羅詩瓶其物盛於器等之中置其瓶上內院東面置如來印北面置觀自在印南面置金剛印西面右邊置嚩達羅左邊置多聞天王如前所說明王曼荼羅此亦如是次第安置右邊置部母明左邊辦事明蓮華金剛二部左右亦爾西面右

面嚙唎右置洛乞濕彌東西兩角置鉢及支
伐羅北面兩角置但擎柱及軍持瓶南面兩
角置拔折羅及持伽羅西面角置輸羅及寶
瓶於外門前別立置處所置無能勝東面門
前置訶利帝母南面門前置勾吒祇唎迦北
面門前置翳迦契吒於其外院隨意遍置諸
印如法啓請供養此是祕密都曼荼羅於中
所作成就諸物皆得悉地頂行於此尚不得
便何況諸餘毗那夜迦以諸美香華燈種種
飲食持誦光顯然後供養如於念誦及於曼

茶羅所說供養此亦如是應作若於淨室中
作亦復如是其曼茶羅主種種供養應加四
倍此是祕密之法供養畢已次應於外如法
祭祀以酥然燈其炷鮮淨供養本尊一一之
物皆須奉獻闕伽若是作法本尊速得有驗
以明王真言持誦白芥子或用能辦諸事真
言或用先持有功真言持誦近致成就物邊
用辟諸難便即退散又用本印主印置於左
邊或但持誦大力置於左邊於其八方所各
置丈夫初於東方其人作帝釋裝束手執拔

折羅形色一如帝釋於南方其人作燄摩裝
束手執但擎棓於西方其人作龍王裝束手
執絳索於北方其人作毗沙門裝束手執伽
陀棓於東北方其人作伊舍那裝束手執三
股又於東南方其人作大神裝束狀如仙人
手執軍持及數珠於西南方其人作羅刹王
裝束手執橫刀於西北方其人作風神裝束
手執幢旗帝釋白色燄摩黑色龍王紅色毗
沙門金色伊舍那白色火神火色羅刹王淺
黑雲色風神青色其所著衣皆亦如是其人

皆須受戒極令清淨有大膽勇善作護身之
法形色端正盛年肥壯所執器仗皆須持誦
於頸兩肩交絡華鬘備白芥子善知難相若
有難至即散白芥子而用打之或擲華鬘或
難衆多現大怖畏當以所執器仗而遙擬之
彼若相逼以器仗擊散白芥子及擲華鬘以
器仗擬及擊之時不得移動本處若移本處
彼當得便是故應當須不動本處於本藏中
所有護身之印難摧伏者持誦供養置已身
邊若有極大猛害邪來應自用彼諸印以擲

打之或以前來持誦有功真言誦白芥子散擊邪者必若不止即應出外以好飲食加以豐多如法祭祀彼諸難衆一切護法總有九種謂辟除諸難結地界結虛空界結曼荼羅界結方界所結金剛牆結金剛鉤欄護物護身以除諸邪作成就時如斯等法皆須憶念或若不辦前護方人應當置其當方器仗此亦不辦於諸方所置那邏遮器仗或張弓揣箭置諸方所或與助成就人明解藏法有智方便持誦有功戒行清潔立在門中助辦諸

事辟除諸邪乃至內院外院彼皆應助所有一切諸事至於暮間皆須辦足日纔沒已即起首作成就之法中間困時出曼荼羅外舍水漱口軍荼利真言用持誦三掬或以本尊心真言持誦少許牛酥而用飲之所有疲極當得除愈復以蜜和和華萎用佛部母明持誦以塗其眼昏沉難起即便除愈先以誠心面向東立觀察諸尊歸命啓請於其三種吉祥瑞應於中隨得好相以歡喜心而作成就隨見先瑞成就亦爾是故行者應觀先瑞先

當須臾觀察蘇悉地羯羅明王次則右繞辦諸事瓶入曼茶羅時隨所逢瓶皆右繞過到已頂禮尊及以遍觀各各以本真言而奉闍伽或以部心真言奉獻所請諸真言主當以明王真言請召所請明主當以明妃請召已視本印及請本真言明等或但都視一印誦其真言及明若如是作速得悉地其成就物有置闍伽器中或致瓶上或總合手內或但心念或致縛羅弭迦器或致葉上或致於內本尊之前所成諸器皆以牛黃塗之次用白

芥子作護次持誦摩粹底華供養其物牛黃塗故便成禁住用其芥子便成作護以華供養須成光顯此三種法次第應作不得廢闍就之物用兩種法以爲作護一謂手印二白芥子令成就物速有驗故數獻闍伽華香等具及酪數應供養其助成就之人護其物故常在其處如是安置供養物已然後以手按之或以眼觀以其不敢心徐徐持誦中間數數光顯其物如是相續竟夜持誦勿令間斷

其夜三時以閻伽等次第供養若須出外漱口令助成人替坐物前續次念誦其持誦人有所廢忘其所助人皆須補闕持誦之時若大邪至助成之人應拒其邪如不能禁行者應自散白芥子以辟其難助成之人持誦其物于時東方有是邪現謂大雷電應知帝釋之邪於東南方有是難現謂火色大人或如日盡應知即是火天之難於其南方有是邪現謂死屍形甚可怖畏高聲叫喚手執大刀皆悉剝鼻手執髑髏盛人血飲頭上火然應

知即是燄摩之邪於西南方有是難現謂雨其屎尿穢曼茶羅及種種形甚可怖畏應知即是泥喇羝難於其西方有是難現謂雨雷電霹靂雹等應知即是龍王之難於西北方有是難現謂有大黑風起應知即是風神之難於其北方有是難現謂大藥又及女藥又惱亂行者應知即是多聞天王難於東北方有是難現謂象頭豬頭狗頭異形各持火山應知即是伊舍那難於其上方有諸天現具大威德應知即是上方天邪下方之難地動

及裂應知即是阿脩羅邪作上成就方現斯
邪如是等邪於中夜現凡上成就邪相還大
中下成就准此應知於夜三時是其上中下
相與時相應即是不相應即非成就其三種
相謂煖相氣相光相如是三相應次第現若
初十上成就即具三相若中成就具前二相若下
成就惟現初相或若持讀虔誠於初夜時三
相次第現者即以部母明禁住其光以明王
心禁住其相及以持誦牛黃塗灑或以手按
或用酥灑或以散華或散白芥子或但灑水

禁住其相便即受用亦果其願或若初夜或
即便禁住但作念誦至其本時方可受用其
中成就准此應知於其初夜下乘地成於其
中夜獲中成就於明相動時獲上成就其中
成就中夜成者如法禁已縱至明曉受用亦
得其下成就准此應知各於本時其助成者
若不受用亦不爲吉其物縱成不即受用又
不禁住至其平曉亦不受用其物猶若萎華
亦如穢食無所堪用以念誦故啓請真言入
其物中時既過已其驗亦失又成就物雖初

相現然不成就當時若禁其相以後還作光顯等法及諸節日供養灌頂便作成就經於三年若不成者當知此物不可得成上成就法限至三年若中成就至第六月若下成就不限其時損成就法亦復如是

被偷成就物却徵法品第三十七

我今當說被偷之物却徵之法其物成已或作成就之時其物被偷偷物之時或見其形或但失物不見偷者于時不擇日宿亦不斷食發起瞋怒現前速應作此曼茶羅法用燒

屍灰三角而作惟開西門於外門前置其本尊內院東角置蘇悉地羯羅明王右置金剛忿怒左置大怒左置金剛拳左置金剛鉤右置金剛計利吉羅左置毗摩右置熱吒左置賓蘖羅右置阿設寧左置商羯羅右置微若耶右門置迦利左門置難地目佞性左置金剛軍右置蘇摩呼及置諸餘大忿怒等爲成就故次第安置如法啓請以赤色華及赤食等次第供養如前所說阿毗遮嚩迦法於此應作門外所置本尊應以美妙華等如法供養

於其外院置八方神及置本部諸餘使者等尊亦須如是供養於中央作護摩法其爐三角一一如前以牧纖併陀羅以己身血塗而用護摩或用苦棟木或用燒屍殘柴而用護摩火著已後以燒屍灰和己身血而用護摩及以毒藥己身之血芥子油及赤芥子四種相和而用護摩復取此四種物作偷物者形而坐其上以左手片片割折而作護摩若有能伏瞋者及明法者應作此法其偷物者憚惶恐怖費持親付行者便應施彼無畏于時

與彼作扇底迦法若不作者彼便命終或所將物更復加添密置尊前又成就物盜將日久若欲追取即應作此通三部成辦諸事曼荼羅四方而作中央安置蘇悉地羯羅明王印內院南面置金剛忿怒大忿忙莽鷄金剛鉤食金剛拳金剛火金剛母特伽羅金剛怖畏金剛商羯鎖計利吉羅慧金剛無能勝及置諸大忿怒及諸使者諸大威德真言王等於其南西次第安置內院北面置能滿諸願觀自在馬頭明王多面多手能現多形耶輸

末底大吉祥洛乞濕弭濕吠多半擎羅縛悉
顙路羅戰捺羅末羅所有真言及明諸使者
等各各次第如法安置內院東面置金輪佛
頂等諸餘佛頂佛毫佛眼佛鑠底佛牙佛慈
及無能勝等自餘明王及能辨諸事真言等
諸餘真言及諸使者於其東面各各次第如
法安置近門外者亦復如前依法安置於其
外院八方神西門邊置梵天王及與眷屬西
門北邊置摩醯首羅及妃言那鉢底等諸眷
屬俱及七忙怛羅母及八龍王并諸眷屬阿

脩羅等與諸眷屬歸依佛者大威德神於其
外院各如法次第安置至誠啓請次第供養
於外西面置護摩遮以蠟作其盜物者形置
箕中依阿毗遮嚧迦法啓請祭祀供養護摩
次以刀割其形而作護摩或依本部所說阿
毗遮嚧迦法依彼而作或本尊自盜及不與
竟十
作法說爲勝吉其形復以杖鞭及以火然種
種猛法打棓以末但那刺依金剛橛法用刺
身分血黑芥子油和鹽遍塗其身隨意苦楚

而置害之復以蓋屍之衣而覆其形以赤線
纏獻赤色華持誦自服努目視之於真言中
置訶責句每日打之若將物來即當休止中
夜應作是猛利法用俱微那羅來塗黑芥油
而作護摩又以毒藥及已身血芥子油鹽及
黑芥子總與相和稱盜物者而作護摩經八
百遍或但用已身血和鹽而和護摩如是苦
持若不還物即應更作至死猛法於阿毗遮
嚩迦法中所說殺法遍作其法於真言置其
殺句若將物來即止其法從乞歡喜彼若已

用其物將餘物替亦止其事或已用其物復
無物替但來悔謝亦止其事施彼歡喜彼或
損失及分與他隨殘所有持來還者亦止其
事施彼歡喜應當以金剛微那羅真言而作
護摩或用大怒或用不淨忿怒而作護摩或
於當部所說却追失物真言而作護摩然此
三種真言通三部真言

唵 阿趁奇乙 那曳歎寫 繩歌曩野莎縛

訶

訶火天已持圓食一明一燒滿三圓食供養

火天

又護摩真言

唵 阿趁那曳 故寫 合寫縛歌曩野揖
比揖比你跋野 莎縛訶

又持酥一明一燒亦滿三遍供養火天

金剛部瞋怒金剛真言

唵 枳里 枳里 跋日囉 矩嚕駛吽伴

以此真言一明燒火食作法

成就護摩法真言

那謨刺怛 娜怛羅耶野 那莫室戰擎

跋日囉播掣曳 摩訶藥叉搃那播掣曳
唵 歌囉歌囉跋日羅摩訶 跋日囉度曩
度曩 跋日囉駛歌駛歌 跋日囉播者播

者 跋日囉娜囉娜囉 跋日囉娜囉耶娜
囉耶 跋日囉弭那囉耶弭那囉耶 跋日

囉瞋娜瞋那 跋日囉頻娜頻娜 跋日囉

虎吽泮

誦此真言作護摩法速得成就若得其物或
得替物即護其物兼及護身當於節日次第
而作光顯等法其中成就物下成就物皆以

一分奉施世尊一分奉施阿闍梨處一分奉施先成就者一分奉施同伴等人一分自取分作兩分一分自用一分奉施比丘比丘尼鄒波索迦鄒波斯迦等諸有末物法皆如是先以闍耶奉獻尊等後取本分其先成就者分以闍耶供養倍其價直自取受用其價直者供養是也其阿闍梨若不在時其分還酌直而自受用其價直者心生慚愧即是價直出曼茶羅外奉先成就者時應作是言先成者受取本分手執闍耶第二第三應如是唱

若無取者即當持與同伴之人勿懷疑慮彼等以虔誠心故以供養故堅持戒故侍行人故即是先成之人是故其分彼等應受三唱之彼同伴者應如是報我等即是先成就者行人自分其物與同伴等其物若少不可分者即安膳那及牛黃等不可分也應當以心作其分量而自受用有如是物惟一人用不可分者輪刀等是隨其本法所說成就應如是作其幢像等亦不可分於本法成就之物其量縱少任意加本量而作成就與同伴等

成依先成依之人物量而作成就縱減其半亦得成就或於本法所說分量皆須依行行人分物與同伴時應處分言汝等隨我種種驅使彼然諾已後當與之或若一身成就利益餘人依此藏教或餘法中若皆通許分與同伴等時隨其功勞節限分物不應偏黨物成就已先應供養本尊深生慚愧慇懃再請或以眼視爲持明王真言法故諸仙恭敬持明王妃故無諸怖畏作三摩耶印及作部印及明視物皆不應廢與仙相見應先起敬而此應知深生慚愧恭敬供養及施財物所得進止依其處分以如是事爾還物價物成就

已先獻闍如法分與誦本真言及作手印以心觀念本尊及誦明王明妃真言及至觀念然後受用其物隨意昇空至衆仙所彼無能壞及以輕慢縱有怨敵亦無能損彼成就者常念本尊不應廢忘其成就物常須心念第十一或以眼視爲持明王真言法故諸仙恭敬持明王妃故無諸怖畏作三摩耶印及作部印及明視物皆不應廢與仙相見應先起敬而問訊言善來安樂復後何至有所慰問善言而答遊行空時不應於神廟上過及獨一樹

并四衢道諸仙居處及以城郭祭祀之壇壝
羅門集會處邪法仙衆所居之處亦不應過
增上慢故經彼等過必當墮落爲放逸故而
墮落者應持誦明王真言及以思惟若已墮
落及欲墮時便得本位虛空雖易形色天眼
見道譬如聖者起心即至如亦在定不動即
至是故遊彼先成就路以福力故自然衣服
隨意宮殿用華林園觀種種諸鳥天女遊戲
歌舞妓樂種種欲樂熾然光明猶如劫初如
意寶樹能滿諸願爲居止故寶石爲座下流

渠水輶草布地種種瓔珞發身娛樂具諸吉
祥樹有甘露果乃至隨意樂憶念之處皆現
其前縱如此已常須護身不應廢忘應住清
淨園林及諸山頂并海洲島江河潭渚以遊
戲故應住其處於彼便有如前勝境或與光
成仙衆共住

成就具支法品第三十八

我今復說具足作悉地法其物不成者如法
禁住護持藏棄如前更作先念誦法乃至還
作成就之法如是作已若不成就者重加精進

又更念誦作成就法如是經滿七遍猶不成者當作此法決定成就所謂乞食精勤念誦發大恭敬巡八聖跡禮拜行道或復轉讀大般若經七遍或持勝物奉施僧伽或於入海河邊或於海島應作一窣堵波數滿一百於一窣堵波前如法念誦滿一千遍最後第一百塔若放光者當知作法決定成就復作一千窣堵波於一一前念誦一遍假使造無間罪其數滿已不須作法自然成就又一切真言念誦一俱胝決定成就若作時念誦

者經十二年縱有重罪亦皆成就假使法不具足皆得成就又念誦遍數及時滿已即當應作增益護摩或復作成辦諸事曼茶羅於中而四種護摩或於山頂或於牛羣先所住處或恒河渚平治其地作曼茶羅量百八十肘

置一百瓶於其四門立柱爲門仗於門前建立寶臺種種莊嚴以作名華枝條作鬘繫其門柱及角幢上遍圍其處以酥然燈滿百八盞布曼茶羅及一百八香爐燒諸名香亦置其處內院一面其量七肘外院一面三肘餘

是中央所有啓請及供養等皆悉如前准護摩法次當別說於中以本真言置羯羅舍金瓶其瓶四面作護摩法於其內院東面遍置佛部諸尊其北面遍置蓮華部中諸尊於其南面遍置金剛部中諸尊於西面置嚩達囉訖十神及多聞天王并眷屬如前所說使者等尊內院若不容受當置外院其護方神與諸眷屬各置本方位其三部主及嚩達羅多聞天王先置本處次復各置明王明妃辦事真言等并諸使者次第安置於外門前置軍荼利

尊及置無能勝尊如是依法作曼茶羅或已用本部心而作啓請次第供養即於四方而作念誦然後其瓶四面所置之爐各依彼部中作護摩法是名增益諸尊護摩其供養食用那羅獻作法已一切諸尊便成增益如是念誦護摩已更以部母真言而護摩酥次佛本尊真言乳糜和酥而作護摩更以部母真言胡麻和三甜而作護摩又以部母真言用酥護摩作此法已得一切尊即便充足及成就增益圓滿具足悉皆歡喜速與成就若作

此曼荼羅乃至七度決定成就如前念誦及
巡八塔乃至七遍作此曼荼羅若不成就者即
以阿毗遮嚩迦法苦治本尊以蠟作其形像
取其真言而念誦之先誦部母及明王真言
中間置本尊真言阿毗遮嚩迦法護摩用芥
子油塗其形像便著忙熱若伏他著遍身皆
痛以瞋鞭打及以華打用前二真言以其瞋
心而作供養譬如治罰鬼魅治罰本尊法亦
如是如斯之法依教而作不得自專若尊來
見與其成就滿本願已則止前事作扇底迦

法或以毒藥自己身血胡麻油鹽赤芥子總
相和竟中夜護摩本尊于時惶惶唱言止止
莫爲即與成就如是作法經三日已亦復不
來與成就者又加勇猛以無畏心便割己肉
護摩三遍本尊即來乞彼歡喜心所求願即
與成就若有闕過一一而說假使犯五無間
經於九夜割肉護摩決定而來與其成就此
是與真言聞諍之法以無畏心如法護身方
可而作必不空過得成就已即應速作扇底
迦法若說愆過即須補闕於諸成就事中此

曼茶羅爲最於中作三種事得三種果於中應作一切諸事及以護摩治罰本尊如治鬼魅每時供養皆用新物護摩之物亦復如是此法不應放逸澡浴清淨如法護身不應輕慢明解藏教方以此法治罰本尊若違此者即便自損

音釋

纖七廉刻初諫切
纏九萬切
破補過揣初
切
又
繩
音
圈
蒲
撥
辯
郎
萬
鼻
魚器
切蜀
臘
鼻
也
骨
髓
木
切
頸
項
骨
也
候
切
觸
拆
先
的
切
與
析
同